



## УС СУВГИЙН УДИРДАХ ГАЗРЫН 6 ДУГААР САРЫН ӨРГӨДӨЛ, ГОМДОЛ ШИЙДВЭРЛЭЛТИЙН ТАЙЛАН

Монгол Улсын Засгийн газрын 2022 оны 05 дугаар сарын 11-ний өдрийн 187 дугаар тогтоол болон Нийслэлийн Засаг даргын 2013 оны А/1086 дугаар захирамжаар батлагдсан Нийслэлийн нутгийн захиргааны байгууллага, албан тушаалтанд хандаж иргэдээс гаргасан өргөдөл, гомдлыг шийдвэрлэх журмыг баримтлан ажиллалаа.

Байгууллагад 2022 оны 6 дугаар сарын байдлаар <https://erp.ulaanbaatar.mn/> праграммаар иргэн, аж ахуйн нэгж, байгууллагын ажилтнуудаас нийт 102 өргөдөл, хүсэлт ирсэн бөгөөд 93 өргөдөл, хүсэлтийг эцэслэн шийдвэрлэсэн. 9 өргөдөл шийдвэрлэх шатандаа судлагдаж байна.

- ✓ Нийслэлийн үйлчилгээний нэгдсэн төвөөр – 26
- ✓ Байгууллагад – 52
- ✓ 1800-1200 тусгай дугаарын утсаар – 5
- ✓ Засгийн газрын 11-11 төвөөр – 19

Нийт 102 өргөдөл хүсэлтийн 81 буюу 79.4 хувийг хүсэлт, 21 буюу 20.6 хувийг гомдол эзлэж байна. Санал, талархал мэдэгдэл ирээгүй байна. Өргөдөл хүсэлтийг иргэний утсаар болон албан бичгээр хариу өгч хэвшсэн.

**Хүсэлт:** Байгууллагын үндсэн үйл ажиллагаа ус хангамж, ариутгах татуургын үйлчилгээтэй холбоотой хүсэлт 31 буюу 38.27 хувийг, байгууллагын ажилтнуудаас хувийн чөлөө болон нийгмийн асуудлаа шийдвэрлүүлэхээр хүссэн хүсэлт 50 буюу 61.73 хувийг эзлэж байна.

- ✓ 5 хоногт шийдвэрлэсэн өргөдөл- 79
- ✓ 10 хоногт шийдвэрлэсэн өргөдөл- 13
- ✓ 15 хоногт шийдвэрлэсэн өргөдөл- 1
- ✓ 30 хоногт болон хугацаа сунгасан өргөдөл хүсэлт байгүй шийдвэрлэлтийн дундаж хугацаа 1 хоног 19 цаг 18 минут байна.

**Гомдол:** Байгууллагын үндсэн үйл ажиллагаа Усан хангамж, ус түгээлтийн тухай-3, Үзлэгийн худаг, траншейны таг, нүхний тухай-3, Инженерийн байгууламжийн эвдрэл, гэмтлийн тухай-2, Хэрэглээний /халуун, хүйтэн/ усан хангамжийн гэмтэл, доголдол, саатлын тухай-2, Хог хаягдал шатаах, орчны эвгүй үнэр, бохирдлын тухай-2, Цэвэр, бохир усны шугам сүлжээний засвар, үйлчилгээний тухай-2, Худаг, ус гаргах тухай-1, Дулааны шугамын гэмтэл, засвар,



үйлчилгээний тухай-1 гомдол ирснийг шийдвэрлэсэн. Судлагдаж байна 4 гомдол байна.

**Засгийн газрын 11-11 төвөөр ирсэн гомдол:**

1. УСУГ-аас авлага барагдуулах байцаагч н.Жаргал гэх ажилтан нь ирээд БЗД-ийн 25 дугаар хороо "Тохилог шинэ ертөнц"- СӨХ-ны хариуцдаг 5 байрны хэрэглээний усыг хаагаад лацадчихсан. 600 айлын эрх ашиг зөрчигдөж байна. Энэ айлууд дунд төлбөрөө төлсөн маш олон айл байгаа. Манайд ирүүлсэн албан бичигтээ 6 сарын 30-ны дотор барагдуулахыг шаардсан байтал ингээд хэлж сануулахгүй шууд хааж болохгүй биз дээ. Энэ асуудлыг холбогдох газар нь уламжилж өгнө үү.  
**Шийдвэрлэсэн байдал:-** Манай байгууллагын зүгээс усны үйлчилгээний төлбөрийг төлж барагдуулах тухай Тохилог шинэ ертөнц ХХК-д урьдчилан мэдэгдэх хуудас өгсний дагуу төлбөр төлөгдөөгүй тохиолдолд 2 байгууллага хооронд байгуулсан гэрээний 2.7, 2.9 дэх заалт, халуун, хүйтэн ус, дулааны хэрэглээг хязгаарлах, зогсоох журмын 1.2.1 дүгээр заалтуудыг үндэслэн ус хангамжийг түр хугацаагаар хязгаарлаж усан хангамжийг буцаан нээж өгсөн өнөөдөр манай дансанд 13 сая төгрөг төлсөн байна.
2. БЗД-ийн 10 дугаар хороо, "Ботаник"-ийн дараагийн 12-ын буудлын замын хойно байгаа хоолойноос бохир халиад 20 хоног болж байна. Энэ асуудлыг холбогдох газарт нь уламжилж, яаралтай арга хэмжээ авч өгнө үү.  
**Шийдвэрлэсэн байдал:-** БЗД-ийн 10 дугаар хороо 12-ын буудлын замын хойно тухайн иргэний амьдарч байгаа газрын ойролцоо манай байгууллагын эзэмшлийн бохир усны шугам байхгүй. Тухайн газарт MCS компаний эзэмшлийн даралттай бохир усны шугам байдаг бөгөөд шугам нь гэмтэж бохир усны алдагдалтай байгааг засварлахаар ажиллаж байна гэж тус компаний инженер Буяндэлгэр мэдэгдсэн. Холбоо барих утасны дугаар /86066683/
3. 25 дугаар эмийн сангийн /хойд/ буудлаас 25 дугаар эмийн сангийн /зүүн/ буудал хүртэл явахад 2-3 бохирын худгийн хажуугаар явахад муухай үнэр үнэртээд байна. Бас "Жем молл"-ын замын эсрэг талд. Ус сувгийнханд үнэрлэх мэдрэмж байдаггүй юм уу? Урьд нь арга хэмжээ авч өгөөч гээд бичсэн чинь Улаанбаатар хотын Шуурхай удирдлага, зохицуулалтын төв ОНӨТҮГ-н Ахлах диспетчер-инженер С.Алтандэлгэр: "Шийдвэрлэлээ" /Тус байршилд буюу Баянгол дүүргийн Чингүнжавын гудамж дагуу Ус сувгийн Удирдах газрын харьяа бохирын усны 23 дугаар коллекторын Ф400мм-н шугам, сүлжээ байрладаг. Өнөөдрийн байдлаар бохир ус татан зайлуулах төвийн шугам сүлжээнд гэмтэл, саатал гараагүй болно. Иргэнтэй утсаар холбогдож, тайлбар мэдээлэл өгч ажилласан/ гэжээ. 1 дүгээрт: Муухай үнэр үнэртсэн хэвээр байна, 2 дугаарт: Утсаар хэн ч холбогдож яриагүй. Муухай үнэрийг нь арилгах арга хэмжээ аваад өгөөч гэсэн болохоос надтай холбогдож, янз бүрийн тайлбар тавих хэрэггүй л дээ. Үнэр нь арилчихвал, надтай ярьсан яриагүй аяндаа мэдэгдэнэ.  
**Шийдвэрлэсэн байдал:-** Өргөдөл гомдлын дагуу худгуудыг шалгахад Бохир усны шугамын 25 дугаар коллекторын 2 худаг мөн 10 дугаар коллекторын 2 худгийн люк тагны нүхээр уг бохирын үнэр гарч байсан. Иймд уг тагуудыг шавар шороогоор дарахаар болсон. Төв бохир усны шугамд тунаа бөглөө байхгүй. Өргөдөл гаргасан иргэн Г.Амаржаргалтай утсаар холбогдсон болно.
4. ХУД-н16-р хороо Буянт-Ухаа спорт цогцолборын буудал дээр траншейны нүхнүүд байна. Бохирын үнэр маш ихтэйгээс болоод оршин суугчид цонхоо нээж чадахгүйд хүрээд байна. Дээрх асуудлаар удаа дараа холбогдох байгууллагад нь хандсан боловч арга хэмжээ авахгүй байна. Энэ асуудлыг холбогдох байгууллагад нь уламжлан яаралтай арга хэмжээ авч өгнө үү.



**Шийдвэрлэсэн байдал:-** 2022 оны 06 дугаар сарын 21-ны өдөр гомдол ирүүлсэн иргэн Н.Эхнбаярын хамт худагт үзлэг шалгалт хийхэд бохирын Нисэхийн 300-ийн 5 дугаар худаг газрын төвшнөөс өндөр байсан. Иймд шороогоор булж хэвийн байдалд оруулсан.

5. Миний бие УСУГ-т гомдолтой байна. СХД-ийн 40-р хорооны цэвэр усны худгуудыг 2007 онд шугамаар холбосон. Тэдгээр шугамууд нь төв зам дагуу тавигдсан байдаг. 2008 онд тус хорооны 0119-р цэргийн ангийн урд байрлах автобусны буудлын зам дагуух нэг шугам нь хагарсан. Уг шугамын гэмтлээс үүдэж, ойр орчмын айл өрхүүд маш ихээр хохирол амссан. Оршин суугчид эрүүл мэнд болон эдийн засгийн хувьд маш ихээр хохирсон. Уг асуудлаар холбогдох харьяа байгууллагуудад удаа дараа мэдэгдэж, байсан боловч иргэн миний өргөдөл гомдлыг шийдвэрлэж өгөхгүй чирэгдэл үүсгэж байна. Холбогдох харьяа байгууллагад нь уламжилж өгнө үү. Иргэн миний холбогдох нэмэлт утасны дугаар /94525995/

**Шийдвэрлэсэн байдал:-** 3/1554 тоот албан бичгээр хариу хүргүүлэв.

6. ХУД-ийн 4-р хорооны Фермерүүдийн захын зүүн талд байрлах цахилгаан станцын хойд талд бохирын хоолойнууд байдаг. Энэ бохирын хоолойнуудаас маш муухай үнэр байнга гардаг. Энэ үнэрт нь иргэд байж суух аргагүй, маш хүнд байдалд амьдарч байна. 4-р хорооны ажилчид бохирыг зөөвөрлөж янзалсан гэж байгаа ч энэ үнэрийн асуудал огт шийдэгдээгүй. Тиймээс энэ асуудлыг маш яаралтай шийдвэрлэж өгнө үү. Холбогдох газарт нь уламжилж өгнө үү.

**Шийдвэрлэсэн байдал:-** Аж богд инженеринг ХХК-ны эзэмшлийн бохир усны шугамыг камераар оношилогоо хийж гэмтэлтэй хэсгийг тогтоож өглөө. Шугамын засварын ажлыг яаралтай эхлүүлж өвөлжилтийн бэлтгэлийг хангах талаар албан шаардлага өгсөн талаар иргэн С.Тэргэлд утсаар холбогдож мэдэгдлээ.

7. ЧД-ийн 16-р хороонд байдаг гүний худгаас 1 тонн ус авах гэтэл Ус сувгийн удирдах газар руу очиж гэрээ хийж байж ус авах боломжтой гээд надад ус өгөхгүй байна. Миний гомдлыг холбогдох байгууллагад уламжилж өгнө үү.

**Шийдвэрлэсэн байдал:-** Гэр хороололд байрлалтай Ус түгээх байрууд нь айл өрхүүдэд жижиглэнгээр цэвэр усыг түгээх зориулалттай байр юм. Харин 1тн-оор авах шаардлагатай бол тн-оос дээш ус түгээдэг байруудаас авах нь зүйтэй.

8. БЗД-ийн 21-р хороо, Дарь-Эхийн Дэнжийн задгайн 952 дугаар худагт 4 хоног усгүй байлаа. Шаланк нь цоорсон гээд аваад явчих юм. Усгүй олон хонолоо, маш хэцүү байна. Үүнийг холбогдох байгууллагад нь уламжилж, арга хэмжээ авч өгнө үү.

**Шийдвэрлэсэн байдал:-** Гомдол гаргасан иргэн Ш.Авидтай 86558822 утсаар холбогдож мэдээлэл тодруулга өглөө. 952 дугаар ус түгээх байрны ус нөөцлөх 8 тонны усан санд гэмтэл гарсан шалтгаанаар 6 дугаар сарын 07-ны өдөр буюу өчигдрөөс задлах засварлах ажил хийгдэж, өнөөдөр 15 цагт засварлаж дууссан. Наалтын цавуу /силикон/ бүрэн бэхжтэл 24 цаг тодорхой технологийн хугацаа шаардлагатай. 6 дугаар сарын 10-ны 10:00 цагаас хуваарийн дагуу хэвийн ажиллаж эхэлнэ. Засварын хугацаанд 952 дугаар ус түгээх байранд зарлал мэдээлэл нээлттэй байршуулан тухайн орчиноос 200м зайд байрлах 951 дүгээр ус түгээх байраар усаар хангах ажил хийгдэж байгаа талаар тайлбар хүргэлээ.

9. БГД-ийн 8-р хороо, 45 а,б байранд оршин суудаг төлбөрөө төлөөгүй айл өрхүүдээс болоод хэрэглээний халуун, хүйтэн ус нийтээр нь хаасан. Төлбөрөө төлсөн айл өрхүүдийг маш ихээр хохироож байна. Энэ асуудлыг холбогдох газарт нь уламжилж өгнө үү. /тус байрны иргэн 90010909/



**Шийдвэрлэсэн байдал:**-Гомдлын дагуу тус байрны оршин суугч А.Ханджамцтай холбогдож, тус байрны цэвэр, бохир усны ашиглалт, үйлчилгээг хариуцан ажилладаг Монтс ХХК нь УСУГ ОНӨААТҮГ-тай 22052900 дугаар "Цэвэр усаар хангах, хэрэглээнээс гарсан бохир усыг татан зайлуулах" аж ахуйн гэрээтэй хамтран ажилладаг тухай тайлбарлаж, 2022 оны 01 дүгээр сараас 2022 оны 05 дугаар сарын 31-ний өдрийг хүртэл сар бүр 10.0 сая-30.0 сая төгрөгийн өр төлбөр үүсгэж байгаа талаар дэлгэрэнгүй мэдээлэл өгсөн. Мөн манай байгууллагын зүгээс усны үйлчилгээний төлбөрийг төлж барагдуулах тухай Монтс ХХК-д урьдчилан мэдэгдэх хуудас өгсний дагуу төлбөр төлөгдөөгүй тохиолдолд **2 байгууллага хооронд байгуулсан гэрээний 2.7, 2.9 дэх заалт, халуун, хүйтэн ус, дулааны хэрэглээг хязгаарлах, зогсоох журмын 1.2.1 дүгээр заалтуудыг** үндэслэн ус хангамжийг түр хугацаагаар хязгаарлаж байгаа талаар дэлгэрэнгүй мэдээлэл өгч ажилласан.

10. ХУД-ийн 12-р хорооны цэнхэр өнгөтэй худаг онгойхгүй байна. Урин дулаан цаг болж хүнсний ногоо, мод тарисан байхад нээж өгөөч гэсэн саналтай байна. Хорооны засаг даргатай холбогдож хэлэхэд нээж өгөхгүй байна. Энэ асуудлыг холбогдох байгууллагад уламжилж шийдвэрлэж өгнө үү.

**Шийдвэрлэсэн байдал:-** Тухайн гомдол гаргасан иргэнтэй утсаар холбогдоход уг худаг нь Ус сувгийн удирдах газрын харъяаллын худаг биш Дэлхийн зөнгийн хөрөнгөөр баригдсан тухайн 12-р хороо хариуцдаг гэж мэдэгдсэн тул дахин 1111 төв рүү холбогдож гомдлоо тухайн хороондоо гаргахыг мэдэгдсэн.

11. Сонгино-Хайрхан дүүргийн 37 дугаар хорооны Содон хорооллын хэрэглээний халуун, хүйтэн усыг хязгаарлаад байна. Холбогдох газраас лавлахад төлбөр төлөөгүй айлуудаас хамаарч хэрэглээний усыг хязгаарласан гэсэн хариу өгсөн. Миний гомдлыг холбогдох байгууллагад уламжилж өгнө үү. /101-28 тоотын иргэн 99040358/

**Шийдвэрлэсэн байдал:-** Тус байрны оршин суугч Д.Сайханбаяртай холбогдож, Содон хорооллын цэвэр, бохир усны ашиглалт, үйлчилгээг хариуцан ажилладаг Хайспийд групп ХХК нь УСУГ ОНӨААТҮГ-тай 23000200 дугаар "Цэвэр усаар хангах, хэрэглээнээс гарсан бохир усыг татан зайлуулах" аж ахуйн гэрээтэй хамтран ажилладаг тухай тайлбарлаж, 2022 оны 01 дүгээр сараас 2022 оны 05 дугаар сарын 31-ний өдрийг хүртэл сар бүр 30.0 сая-40.0 сая төгрөгийн өр төлбөр үүсгэж байгаа талаар дэлгэрэнгүй мэдээлэл өгсөн. Мөн манай байгууллагын зүгээс усны үйлчилгээний төлбөрийг төлж барагдуулах тухай Хайспийд групп ХХК-д урьдчилан мэдэгдэх хуудас өгсний дагуу төлбөр төлөгдөөгүй тохиолдолд **2 байгууллага хооронд байгуулсан гэрээний 2.7, 2.9 дэх заалт, халуун, хүйтэн ус, дулааны хэрэглээг хязгаарлах, зогсоох журмын 1.2.1 дүгээр заалтуудыг** үндэслэн ус хангамжийг түр хугацаагаар хязгаарлаж байгаа талаар дэлгэрэнгүй мэдээлэл өгч ажилласан.

12. Манай хүү Ганбаатарын Одхүү Ус суваг ашиглалтын газрын Шугамаар ус хангах албаны Ус түгээх байранд түгээгчээр ажилладаг. 7 дугаар хэсгийн бригадын дарга н.Мөнхцацрал хүүхдийг минь хөгжлийн бэрхшээлтэй гэж ялгаварлан гадуурхаж, цалин мөнгийг нь ч өгөхгүй ажлыг нь өөр хүнд шилжүүлж хамт олных нь дунд нэр хүндийг унагаах зэргээр ёс зүйгүй үйлдлүүд гаргаж байгаад гомдол гаргаж байна. Холбогдох байгууллагад уламжилж өгнө үү.

**Шийдвэрлэсэн байдал:-** Гомдлыг хүлээн авч холбогдох ажилтнуудтай уулзалт хийж тодруулсан. 2022 оны 05 дугаар сарын 31 ний өдөр Шугамаар ус



хангах албаны дарга Баярбилэгийн өрөөнд ажилтан Г.Одхүү, түүний ээж О.Жунайговь нарыг байлцуулсан шийдвэрийг танилцуулж, гомдлыг барагдуулсан.

**1800-1200 тусгай дугаарын утсаар ирсэн гомдол:-**

13. Ус сувгийн Удирдах газарт: СХД-ийн 19-р хороо, 39-р байрны зарим айлууд төлбөрөө төлөөгүй байна гэсэн шалтгаанаар байрны бүх айлуудын усыг хязгаарлана гэж мэдэгдэх хуудас ирсэн байна. Төлбөрөө төлсөн айлуудыг хохироомооргүй байна. Шалгаж хариу өгнө үү.

**Шийдвэрлэсэн байдал:-** Манайтай 22043400 дугаар "Цэвэр усаар хангах, хэрэглээнээс гарсан бохир усыг татан зайлуулах" аж ахуйн гэрээтэй, Смарт план ХХК-ийн цэвэр, бохир усны ашиглалт, үйлчилгээг нь хариуцан ажилладаг СХД-ийн 19-р хороо, 39 дүгээр байрны 93 тоотод оршин суугч Д.Эрдэнэцогттой 89967688 дугаарын утсаар холбогдож, Ус сувгийн удирдах газар ОНӨААТҮГ-аас ус хаагаагүй болохыг мэдэгдэж, тайлбар зөвлөгөө өгөв.

14. ХУД-н16-р хороо Буянт-Ухаа спорт цогцолборын буудал дээр траншейны нүхнүүд байна. Бохирын үнэр маш ихтэйгээс болоод оршин суугчид цонхоо нээж чадахгүйд хүрээд байна. Дээрх асуудлаар удаа дараа холбогдох байгууллагад нь хандсан боловч арга хэмжээ авахгүй байна. Энэ асуудлыг холбогдох байгууллагад нь уламжлан яаралтай арга хэмжээ авч өгнө үү.

**Шийдвэрлэсэн байдал:-** 2022 оны 06 дугаар сарын 21-ны өдөр гомдол ирүүлсэн иргэн Н.Эхнбаярын хамт худагт үзлэг шалгалт хийхэд бохирын Нисэхийн 300-ийн 5 дугаар худаг газрын төвшнөөс өндөр байсан. Иймд шороогоор булж хэвийн байдалд оруулсан.

15. ЧД-ийн Шарга морьт зуслангийн айлуудад гүний худагтай болгож өгнө үү. Иргэд усгүй хэцүү байна. Зарим айлууд нь хувьдаа устай байх юм. Худаггүй айлууд нь усгүй хэцүү байна. Энэ асуудлыг шийдвэрлэж өгнө үү.

**Шийдвэрлэсэн байдал:-** 2022 оны 06 дугаар сарын 13-ны өдөр иргэн Гэрэлмаатай утсаар холбогдож зуслангийн бүсэд байрлалтай зөөврийн ус түгээх байрнууд 2022оны 06 дугаар сарын 15-ны өдрөөс эхлэн үйлчилгээ үзүүлэхийг мэдэгдсэн. Мөн Шарга морьт зуслангийн 2 дугаар буудалд манай байгууллагын зөөврийн УТБ байрлаж байгааг тайлбарлаж өгсөн.

16. ХУД-ийн 7-р хорооны гүний худгийн 16-р худаг нь 15 цагаас ачуулахаа больж байгаад гомдолтой байна. Хувийн тэрэгнүүдийг ачуулахгүй гээд "Монос" тэндээс ав гэх юм. Моносоос очиж авахад бүтэн өдөржингөө түгжрэлд явдаг юм. Жолооч нар яахаа мэдэхгүй байна. Шийдвэрлэж өгнө үү.

**Шийдвэрлэсэн байдал:-** Хан-Уул дүүргийн 7-р хорооны 316-р ус түгээх байрнаас 5 тонн хүртэлхи хэмжээтэй усны автомашинд ус ачуулж байсан боловч хэт олон машин ирж овоороод байна, хүүхэд машин тэргэнд дайруулах эрсдэлтэй байна гэсний дагуу дээрхи ус түгээх байрнаас ус ачиж байсан 5 тонны машинтай аж ахуйн нэгжүүдийг Нисэхийн 342, Моносын уулзварын 350-р ус түгээх байруудаас ачуулхаар мэдэгдлийг утсаар өгсөн.

Өргөдөл хүсэлтийг шийдвэрлэлтийг эрчимжүүлэхийн тул Иргэдээс ирүүлсэн өргөдөл, гомдлыг шийдвэрлэлт, судлагдаж байгаа өргөдөл болон зөрчил гаргасан ажилтны талаар байгууллагын удирдлагуудын газрын шуурхайн зөвлөгөөнд 5 удаа танилцуулсан. 6 дугаар сарын байдлаар 3 зөрчил гаргасан тул тухайн ажилтны үр дүнгийн нэмэгдэл цалингаас тохирох хувийг хассаж тооцно.

Байгууллагын 24 цагийн хяналт удирдлагын төвийн утсанд нийт 1672 ирсэн дуудлага, санал хүсэлт ирсэнг 6-8 цагт барагдуулан ажиллаж байна.



Үзүүлэлт	Дуудлага агуулга	Зохион байгуулалтууд														Нийт дүн
		УХАА	ЦБА	ШАЗА	ХҮА	ШУХА	ЗУХА	АБ	УТЛ	МТАН	УЦБ	ХУТ	БХУСАТ	БГУСАТ	Хэлтс	
Цэвэр усны шугам сүлжээнд	Худаг ашиглалт, таг	0	0	1	0	0	0	0	0	0	0	0	0	0	0	1
	ЦУШ гэмтэл, хөлдөлт	0	0	2	1	0	0	0	0	0	0	0	0	0	0	3
	Бусад	0	0	0	1	0	0	0	0	0	0	0	0	0	0	1
	Төлбөрт үйлчилгээ	0	0	0	0	0	0	0	0	0	0	0	0	0	0	0
НИЙТ		0	0	3	2	0	0	0	0	0	0	0	0	0	0	5
Бохир усны шугам сүлжээнд	Шугам бөглөрсөн, тунасан	0	0	3	0	0	0	0	0	0	0	0	0	0	0	3
	Худаг ашиглалт	0	0	2	0	0	0	0	0	0	0	0	0	0	0	2
	Бусад	0	0	1	0	0	0	0	0	0	0	0	0	0	0	1
	Төлбөрт үйлчилгээ	0	0	7	0	0	0	0	0	0	0	0	0	0	0	7
НИЙТ		0	0	13	0	0	0	0	0	0	0	0	0	0	0	13
НШУЗТ	Худаг ашиглалт, таг	0	0	0	2	0	0	0	0	0	0	0	0	0	0	2
НИЙТ		0	0	0	2	0	0	0	0	0	0	0	0	0	0	2
Гомдол	Үйлчилгээний соёл	0	0	0	0	1	0	0	0	0	0	0	0	0	0	1
НИЙТ		0	0	0	0	1	0	0	0	0	0	0	0	0	0	1
Мэдээлэл лавлагаа	Байгууллагын хаяг, утас	0	0	0	0	0	0	0	0	0	0	142	0	0	0	142
	Үнэ тариф	0	0	0	0	0	0	0	0	0	0	41	0	0	0	41
	Усны төлбөр тооцоо	0	0	0	0	0	0	0	0	0	0	15	0	0	0	15
	Гэрээтэй холбоотой	0	0	0	0	0	0	0	0	0	0	8	0	0	0	8
	Техник нөхцөл	0	0	0	0	0	0	0	0	0	0	47	0	0	0	47
	Бусад	0	0	0	0	0	0	0	0	0	0	278	0	0	0	278
	Усны нэхэлтэй холбоотой	0	0	0	0	0	0	0	0	0	0	188	0	0	0	188
	УТУТ-тэй холбоотой	0	0	0	0	0	0	0	0	0	0	525	0	0	0	525
	Картын цэнэглэлт, дансны хуулга	0	0	0	0	0	0	0	0	0	0	407	0	0	0	407
НИЙТ		0	0	0	0	0	0	0	0	0	1651	0	0	0	1651	
Хүлээн авсан нийт дуудлага		0	0	16	4	1	0	0	0	0	0	1651	0	0	0	1672

ТАЙЛАН ХЯНАСАН:

ЗАХИРГАА УДИРДЛАГЫН ХЭЛТСИЙН

ДАРГА

Д.МӨНХЦЭЦЭГ

ТАЙЛАН БИЧСЭН:

ЗАХИРГАА УДИРДЛАГЫН ХЭЛТЭС

ХҮНИЙ НӨӨЦИЙН МЭРГЭЖИЛТЭН

А.ӨЛЗИЙДЭЛГЭР